

## Universitätsbibliothek Paderborn

**Ioannis S. R. E. Cardinalis Bona Opera Omnia**

Tribus Tomis comprehensa

Opuscula Spiritalia - I. Horologium Asceticum. II. Principia Vitae Christianae. III. Manuductio ad Coelum. IV. Via Compendii ad Deum. V. De Sacrificio Missae. VI. De Discretione Spirituum ... Operum Eminentiss.  
Cardinalis, Tom. I

**Bona, Giovanni**

**Parisiis, 1677**

§. 48. Scientiam practicam, & experimentalem magis conferre ad amorem,  
quam speculativam

**urn:nbn:de:hbz:466:1-9969**

in spiritu & veritate adorare, & diligere; quod tunc rectè & purè sit, cum ipsum singulariter diligimus propter se, suamque sumnam bonitatem, nullo modo ad nos ipsos, nostraque commoda & delectationem respicientes.

**S. XLVIII.** *Scientiam practicam & experimentalē  
magis conferre ad honorem, quam speculativam.*

**S**icut rusticus omnis doctrinæ & literarum expers, qui solem quotidie cernit, ejusque luce & calore fruitur, lumen intensius diligit, quam cœcus multa scientia præditus, qui de luce ejusque causis & effectibus plura didicerit ex placitis Philosophorum: ita Deum magis diligit simplex & pius homo ex cognitione practica fidei, quam subtilissimus Theologus ex sola speculatione. Sicut etiam vir doctus & eruditus in regione septentrionali, in qua nullæ sunt vites & nemo vinum bibit, de vineæ cultura, deque vini potu, ejusque effectibus & proprietatibus copiosè poterit & acutè differere: sed quia vinum nunquam gustavit, practicè nesciet quid sit vinum, quomodo latifacet cor hominis, quomodo inebriet; nec eam vini notitiam aliquando assequetur, quam rusticus vinator habet, qui vinum quotidie bibit: ita planè contingit, ut aliquis de plebe, qui nec legere quidem noverit, altius de Deo rebusque divinis scientiâ experimentalî loquatur, quam vir magni nominis, qui totum vitæ suæ tempus in studiis Theologicis consumperit. Experientia siquidem speculationem, amor scientiam excedit; multoque facilius pervenitur ad Deum affectu, quam cognitione. Omnes igitur animæ vires affectui potius & orationi, quam doctrinæ applicare oportet, si ardentissimum Dei amorem ipse notitia est & amando vehementius in contemplatione defigimur, per quam clarius atque splendidius eum intuemur. Ipsum amando minus laboramus, illi magis obsequimur; nam cognitio quam de illo consequi pos-

sumus, in hoc exilio certis & angustis limitibus conclusa est; amare autem possumus quantum volumus, quantum scilicet ipse dederit, qui sine modo amari desiderat; nec ullus amor terminus praefixus est. Plerique tamen stulto errore decepti; malunt semper querendo numquam Deum invenire, quam amando possidere

§. X L I X. Veram sanctitatem in amore Dei consistere.

**M**Andatum habemus à Deo ut sumus sancti: ait enim: *Sancti eritis, quoniam ego sanctus sum.* Levit. 11. 45. Est autem sanctitas ab omni labore libera & omnino perfecta & omni ex parte immaculata puritas. Sicut enim res omnes ex mistione pejoris & inferioris sordes contrahunt & polluuntur, ut argentum ex mistione plumbi, vestis aspersione luti: ita anima impura fit & immunda cum rebus infimis adhaeret, nec prorsus pura ac sancta esse potest, nisi à cunctis rebus creatis avulsa sit. Consistit igitur sanctitas in omnimodâ puritate & in immobili cum Deo unione, quæ arctissimo amoris nexu perficitur; cum expurgata anima ab omni rubigine terrenorum affectuum, cunctisque rebus celsior eam justitiae perfectionem adepta est, ut verè & securè audeat dicere cum Apostolo: *Quis me separabit à charitate Christi? tribulatio? an angustia? an famæ; an nuditas; an periculum; an persecutio; an gladius? certus sum enim quia neque mors, neque vita, neque angeli, neque principatus, neque virtutes, neque instantia, neque futura, neque fortitudo, neque altitudo, neque profundum, neque creatura alia poterit me separare à charitate Dei, que est in Christo Iesu Domino nostro.* Rom. 8. 35. Iejunia, eleemosynæ, castigatio carnis, usus Sacramentorum & aliæ ejusdem generis exercitationes ad consequendam sanctitatem plurimum valent, sed sine charitate nihil prosunt, quamvis in cibos pauperum omnes facultates distribuantur & proprium corpus igni tradatur, ut docet Apostolus. 1. Cor. 13. 3. Potest etiam in aliis virtutibus aliquando dispensatio locum habere, quoniam infirmi à jejunio, pauperes à danda ele-